



Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018

## Is Gianas e is sennoras de Donnigatza

Is Gianas fiant piticheddas-piticheddas e biviant me is domus de Gianas in Trempu e in Santu Giuanni. Fiant bellas meda e si bistiant de arrùbiu cun unu muncadori froriu postu a sa S. Zita, cun is cannacas de oru, cosiant e filant in sa terra issoru.

Is domus de is Gianas funt in su monti e sa mobìlia fiat pitichedda cumentì issas etotu e cumentì a is pratus frorius. Custa genti biviàt assolada de is àterus e fiat religiosa meda, sa crèsia issoru fiat che sa nosta.

Sigumentì is gianas fiant arricas meda, me in su corratzu issoru ant agatau cosas meda de balori. Candu ajaja fiat pitichedda nd'iat biu una in Orgono, dd'iat tocada e dd'iat preguntada innui andessit e chi podessit andai cun issa. Ma sa Giana iat timiu e iat sighiu a sa sola.

Custu at a essi sutzèdiu giai-giai norant'annus a oi. Custa genti est abarrada fintzas a candu funt arribaus is pisanus, de intzandus si funt fuidas, ma is domus chi ant lassau funt abarradas fintzas a oi.

Giai centu otanta annus a oi biviant is fèminas de Donnigatza, is domus issoru fiant fatas che is nuraxis, ma prus mannas meda e in mesu de sa pratza.

Non bessiant giai mai e prus che totu in sa pratza issoru, su domìnicu andànt a missa totus in paris a su conventu de is paras franciscanus, ca s'agatànt in Burecco e in su Cantareddu, fintzas a candu issas non fessint arribadas non cumentzànt a nai missa.

Si bistiant de linu e de pannu ca tessiant issas etotu, ma is gunneddas ddas bordànt a coloris cun unu filu ca cumandànt issas etotu e me is peis teniant cratzollas bordadas custas puru de issas.

In conca teniant unu muncadori biancu e asuta teniant una careta cu listonis. Teniant fintzas schisòrgius mannus ca costumànt a cuai asuta de su pamentu de is domus. Candu sciacuànt is bistiris intamis de imperai saboni frigant su crivatzu e su traballu issoru fiat a filai, tessi e bordai.

Candu funt arribaus is pisanus funt sparèssias.